

Comité-Schnitzelbank

1934



Dr Pfluderi

Dr Paukeseppi macht das Johr nyt,
's Comité stinggt em, du liebi Zytt;
Drum bi jetz ych do . . . y main persée:
Me macht doch nit wägem Comité

Bi Gränzverletzige losst sich flott a
Unsere Bundesroot, dr Motta!
Dr Glöbbels schnert, dä glai, dä blaich —
Im Motta wird dr Rugge waich!

E-n-ynegschlänggeret Schwoberiechli
Schrybt e Rägebooge-Konsum-Stigg fir's Kiechli!
Wär merggt nit ändlig, dass das Siechli
Sy Baseldytsch het uus em Konsumbiechli!

Commeça vit, commeça se nourrit
(Assez belle!) une très grosse souris!
Bletzig haut's en uus där Stell:
La vie est dure . . . la vie est . . . Bell!

's het friejer emole Zytte gäh,
Do hätt sich kai Bell sy Muus lo näh!
Hitt bringt das kain meh uus em Hysli
(Oder heegstens lysli) wägenem Mysli!

Dr Thurnyse-n-Aernscht, halb Frontegott,
Am Pontonier-Fescht, dängg bigott,
Spart an de Källnere, dä Siech,
Als ob er's fir dr Leonhard miech!

Iberhaupt: Das nobel Fronteglumbb
Macht mit d'r Schnure-n-oft e Gumbb!
Es weiss halt: 's Vorbild (Dr wisset scho!!)
Isch au nur dur d'Schnure vorwärts ko!

Was macht me fir e hellisch Gschyss
Wäge sonere „Tour de Suisse“!
's git vyl, die schwitze-n-und die stramble
Und lehn noochhär dr Lälli bamble!

Ob Frailain Freundlich, ob Zwätschgedag -
Ob Globus, Konsum - 's isch ai Schlag!
Me will doch numme d'Kunde düümle -
Und: Pflüümli zwätschgele, Zwätschge pflüümle!

Die Art Regglame soll dr Deifel hole!
's wär 's Bescht, me dät emol rächt versohle
Mit ere Ruete-n-uus guetem Hasel
Im Frailain Frindlig sy „Härz vo Basel“!

Kemmet alli am nächschde Sunntig z'obe am sieben!
in Musigsaal zuem grosse Schlussobe vo de Comité-
Schnitzelbängg. 's isch immer saugunge.
